



Province of the  
**EASTERN CAPE**  
EDUCATION

**NATIONAL  
SENIOR CERTIFICATE**

**GRADE 12**

**LOETSE 2011**

**SESOTHO PUO YA LAPENG – PAMPIRI YA PELE**

**MATSHWAO: 70**

**NAKO: 2 dihora**



---

Pampiri ena e na le maqephe a 10.

---

**DITAELO HO MOHLAHLOBUWA**

1. **Pampiri ena e arotswe dikarolo tse tharo, e leng :**

**KAROLO YA A: Tekokutlwisiso (30)**

**KAROLO YA B: Kgutsufatso (10)**

**KAROLO YA C: Thutapuo le tshebediso (30)**

2. **Bala ditaelo TSOHLE ka hloko.**
3. **Araba dipotso TSOHLE.**
4. **Qala karolo e nngwe le e nngwe leqepheng le letjha.**
5. **Seha mola qetellong ya karolo e nngwe le e nngwe.**
6. **Nomora dikarabo tsa hao jwalo feela ka ha dipotso di nomorilwe pampiring ya dipotso.**
7. **Tlola mola dipakeng tsa dikarabo tsa hao.**
8. **Ngola ka mongolo o makgethe mme o balehang.**
9. **Tsepamisa maikutlo haholo mopeletong le popong ya dipolelo tse nepahetseng.**
10. **Dipotso tsohle di arajwe ka Sesotho.**

**KAROLO YA A: TEKOKUTLWISISO****Potso Ya 1**

Potsong ena o nehlwe mefuta e mmedi ya ditema. Bala tema e nngwe le e nngwe ka hloko o ntano araba dipotso tsohle tse hlahang tlasa yona.

**Tema Ya 1**

Bala tema ena e latelang mme ha o qetile o arabe dipotso tse e latelang.

“O na le lengolo, Samina, le tswang Thekong le hoja ke sitwa ho bona hantlente hore le tswa ho mang hobane ha ke tsebe mongolo o ho lona.”

Mmangwane a supa enfolopo e hodima tafole a ntse a ipuela, ho bile ho bonahala hore ke motho ya ratang ho bua haholo ka nako tse ding. Athe Samina yena o ne a thotse, a ithuletse, a shebeha a hlona jwele ka ka mehla ha a fihla a tswa mosebeting. A ema a ya tafoleng, a le re phamo, lengolonyana le tswa supjwa ke Mmangwane. A le phunya ha bohlaswa mme a bala ho ngotsweng ka hare. Hanghang sefahleho sa hae sa fetoha, mahlo a moholo ane a ropoha jwale, dinko tsa famoleha, melomo ya bebenya.

Mmangwane Ralesho a itulela setulong mme a tswela pele ka mosebetsi oo a neng a ntse a o etsa, a kgaohana le Samina. Natona o ne a eso fihle ka ha yena a ne a sebetse hole. Samina a itoma molomo a leka ka matla ho kokobetsa letswalo le neng le mo seha ha bohlokohloko. Thekong e bohole bo bokaakang ho tloha Kgauteng? Makgolo a ka bang robong a dikilometara. Bohle re a tseba hore ke bohole bo sa thuseng letho matsatsing ana a tswelopele. Amos Mwana o tshepisa ho rotha neng kapa neng a etswa Thekong. E, Amos Mwana, monna eo Samina a neng a mo ntshitse menahanong ya hae, le hona a mo ntsha ka ntshwe di sa fohlwa, monna eo Samina a ileng a mo kuta jwale ka ha a kuta Kgwapo kajeno, eo Samina a neng a sa ka a nahana le hanyenyane feela hore seo a se estsang se tla tswala tlhoyo e mpempe hakana, e yena monna eo he, ke enwa o se a le tseleng ho tla tla iphetetsa hodima motho ya mo entseng hampe kgale.

Samina a qala ho hopola jwale. A bona hore Mwana o ne a ntse a bontsha bohlahla bo itseng le bopelokgutshwane bo neng bo ye bo kgwathe botebong ba bohale bo makatsang, empa, ka ho tshaba hore mosadi wa hae o tla tseba taba ya bona, o ne a ye a ikokobetse haholo, a etse seo yena, Samina, a se batlang. Empa ka tsatsi le leng a itebala mme a jabela Samina hoo a bileng a ya le maidiidi ka baka la bohloko. Mohlang oo Samina a rera ho mo nyahlatsa, a mo lahlela sa ruri, a ba a falla Thekong a tla Kgauteng. A falla jwalo a se a jele Amos Mwana.

Peo Ena e Jetswe ke Wena!

***Ka I. M. Moephuli ( 1982, leq 39 – 40 )***

**DIPOTSO**

- 1.1 “Le tswang Thekong le hoja ke sitwa ho bona hantlente hore le tswa ho mang”
- 1.1.1 Hobaneng sebui see se qotsitsweng se sa tsebe hore lengolo le tswa ho mang? (1)
- 1.1.2 Athe, hantlente, lengolo le tswa kae, hona le tswa ho mang? (1+1) (2)
- 1.1.3 Kamano ya mongodi wa lengolo le Samina e ne e le efe? (1)
- 1.2
- 1.2.1 Tabataba e bolelwang ke lengolo ke efe? (2)
- 1.2.2 Eo ya ngotseng lengolo, sepheopheo / morero wa hae wa ho ya Kgauteng, ke ofe? (2)
- 1.3 Motho ya qotsitsweng a bua potsong ya 1.1 o amana jwang le Samina? (1)
- 1.4 Qotsa mola ho tswa moqotsong, o supang hore Samina mokgwa wa hae o ne a ja banna? (2)
- 1.5 Itshetlehe ka moqotso o bolele hore hobaneng o nahana hore Samina le Amos Mwana ha ba a ka ba arohana ka kgotso. (2)
- 1.6 Monna ya neng a se a dula le Samina nakong eo a fumanang lengolo ke mang? (1)
- 1.7 Hlalosa hore ho tswa ka ntshwe di sa fohlwa ke ho etsa jwang ? (2)
- 1.8 Lebaka le neng le etsa hore Amos Mwana a ikokobetse, le ha ho ne ho ntse ho bonahala hore mokgwa wa hae o pelo e kgutshwane, ke lefe? (2)
- 1.9
- 1.9.1 Ho latela moqotso, Thekong e bohole bo bokae le Kgauteng? (1)
- 1.9.2 Hobaneng ho thwe bohole boo ha bo thuse letho matsatsing ana a tswelopele? (1)

**[20]**

## Tema YA 2

Boha tema ena e latelang mme ha o qetile o arabe dipotso tse e latelang.

# RCS KE YA BOHLE

## DIPEHELO:

- O moahi wa Afrika Borwa ya nang le bukana ya boitsebiso?
- O se o na le dikgwedi tse ka hodimo ho 6 o sebetsa?
- O amohela ho feta R 2000.00 ka kgwedi?
- Ha o a *blacklistwa*?
- Ha eba o arabile E, dipotsong tse ka hodimo? RCS ke ya hao.



Hapa phomolo ho ya Maritius :

Sebedisa R 500. kapa ho feta ka  
RCS karete ya hao pakeng tsa 15  
Phupjane 15 Phato 2010.

Etsa kopo o be o sebedisa RCS karete ya hao mabenkeleng ana naha ka bophara.



O se o ka sebedisa RCS karete ya hao mabenkeleng ana naha ka bophara  
Sebedisa karete ya RCS ho le leng la mabenkele a rona a 7500 naha ka bophara



**DIPOTSO**

- 1.10 Bolela le le leng feela la mabenkele ao ho ona o ka etsang kopo wa ba wa sebedisa karete ya RCS. (1)
- 1.11 Bolela le le leng fela la mabenkele ao o ka kgonang ho reka feela ho ona ka karete ya RCS. (1)
- 1.12 Mabenkele ao a amohelang karete ya RCS a fumaneha hokae? (1)
- 1.13 1.13.1 'Na taba ya hore karete ya RCS ke ya bohle ke ntlha kapa empa e le mohopolo fela?' (1)
- 1.13.2 Tshehetsa karabo ya hao (ho 1.13.1) ka lebaka (2)
- 1.14 Totobatsa ka botlalo mokgwa o le mong feela oo ka ona o ka fumanang tlhahisoleseding ka RCS. (2)
- 1.15
- 1.15.1 Se o behang monyetleng wa ho hapa ka RCS ke sefe? (1)
- 1.15.2 O ka hapa eng ka RCS? (1)
- [10]**

**MATSHWAO OHLE A KAROLO YA A: 30**

**KAROLO YA B: KGUTSUFATSO****Potso YA 2**

- Bala ditaba tsa tema e latelang, e be o di kgutsufatsa ka mokgwa o latelang:
- Ka seratswana se bontshang momahano ya dintlha tse supileng.
- Mantswe a be dipakeng tsa 80 le 90.
- Sebedisa mantswe a hao.

Tshiung tsa ha Bahlakwana ba le Mangaung ka bokaota, Molise o kile a batla a bolawa ke pudumo hampe. Molise eo ke mora Mochekeane, moholwane wa Ramohope eo re seng re mo amile hangata tabeng tsa bokaota – hobane ha ho batho ba tsebileng bohloko le boima ba bokaota ho feta batho bana ba Masheane.

Molise a be a tjehele ka lemena ka la maobane. Eitse ha bo esa a be a tloha metlotlwaneng ho ya kokodisa. A di fumana meneng la hae, a fumana di wetse, ho robellane, ho le dinone, ho le dipudumo.

Ao, thabo ya lekaota re ke ke ra e lekanya ra e qeta mona!

A itahlela ka lemeneng a se a sa botse, ho ya hlaba ka lerumo.

A di qala, a di tweba ka le lephatshwa monna wa lekaota.

Mokgo wa pudumo wa be o eme ho ya ka nngane, o mo tadimile ha a ntse a di hlaba.

Eitse moo e yang e bona hore o e lebile, ya mo raohela kgomo e tona, ha re lai! Ka lehlohonolo ya mo fosa ka bohale ba dinaka, ya mo kenya pakeng tsa dinaka, ya mmetsetsa ka hodima lemena!

A phonyoha jwalo nakeng tsa pudumo ya poho mora Mochekeane. Ha e le pudumo, leha e ne e batlile e mmolaya, ha e a ka ya phela, hoba Modise o bile a e bolaya ka lerumo a ntse a le ka hodimo.

Mohla makaota a dihetseng jwale ka ha a ne a dihetse mohlang oo, e ne e ba ke nala le monyaka hae ha ona. Ha eba jwalo ho bara ba Mochekeane ka ditshiu tse latelang eo ya Molise.

*(E qotsitswe bukeng ya Hara Dibatana le Dinyamatsana, Z. D. Mangoaela, 1978: 85 – 86)*

**MATSHWAO OHLE A KAROLO YA B: [10]**

**KAROLO YA C: THUTAPUO LE TSHEBEDISO YA PUO****POTSO YA 3**

Bala tema ena e be o araba dipotso tsa thutapuo le tshebediso ya puo tse e latelang:

Mahlo a Mmakatulo e ne le a moholo a matle, mme a na le bosootho bo itseng. A ne a dula eka a tletse menyepetsi. A ne a potapotilwe ke dintshi tse ntsho tse tsotegang, mme ere ha a bua o fumane di ntse di ikonka. Marama a hae a ne a le matle, mme a butsweditse ka hare jwalo ka lehapu la hwetla.

Pataolo tsena tsa mahlo a Mmakotulo e ne ere ha di ka re pjangpjang le mahlo a monna di tsosetse eo monna wa batho setsokotsane se seholo. Moriri o ne a ena le o motsho o molelele, o tshwerweng ka makgethe hape o benyang.

Monna ha a o shebile o ne a hopola botosa le bomotjhotjhonono. Mabenyane a nnete hloohong ya ngwana batho. Ka seemo a lekane hantle, ditlhafu le tsona di babatseha – e se meongwana ena ya botshase eo re atisang ho e bona. Teng ha a tshasitse ditshotso tsa sekgowa sefahlehong, le mohetene o ne dumela a sa qeyaqeye hore Mmopi o teng. Makgethe a tswileng matsoho tjena e ne e ka ba mosebetsi wa Modimo fela.

Dipalopalo tsa hae tsa mmele e ne e le 32-34-32. Banna ba bangata ba re barata ho ikatametsa ho yena empa botle ba ngwana enwa wa batho bo ne bo ba hakolla mesifa bo ba kgwehlisa mangole, o fumane motho wa teng mmele whoohle o tetema – potso e le hore na mmele ona o tetemiswa ke takatso kapa tshabo na?

Ka mosebetsi Mmakotulo e ne e le mosuwetsana. Ka le leng la matsatsi Mokgatlo wa Matitjhere wa kopa moprofesara Ranko ho tla buisana le ona ka ditaba tse amanang le Thuto ya Histori. Mora Ranko a hla a lokisa pampiri e babatsehang, e fupuditsweng hantle, mme ya emela letsatsi la Moqebelo.

Moqebelong oo, Mmakotulo ha a kena bateng a tola, a hla a todisisa. A nka nako ya hae ho tswa ka metsing, a qeta hora le sekoto a shebane le seipone

*(E qotsitswe ho tswa ho Moprofesara Ranko, R. C. Bodibe, 2007: 11 – 1)*

**DIPOTSO:**

3.1 Qolla kgethi dipolelong tse latelang ha o qeta o e rehe:

Mohlala: Mahlo a Mmakotulo a shebane. a Mmakotulo – Lerui

3.1.1 Mahlo a potapotilwe ke dintshi tse ntsho. (2)

3.1.2 Dintshi tse tsotegang di a ikonka. (2)

3.1.3 Pataolo tsena di tsosetsa banna moferefere. (2)

3.2

3.2.1 “.... e se meongwana ena ya botshase”. Meongwana ke phetoho ya modumo, Tengwantsho / Tengwanafatso e tlisitsweng ke ha ho nyenyefatswa meomo. Fetola mabitso a sehelleltsweng mola ka tlase ka mokgwa o bontshitsweng, ha o qeta o rehe phetoho e hlahisitsweng ke phetoho eo.

(a) Nyenyefatso – Moriri o ne a na le o motsho (1 x 2) (2)

(b) Boiketsi – Mmakotulo o hata Mmakotulo ha a tsamaya (1 x 2) (2)



- 3.3 Fana ka bonngwe ba meomo. (1)
- 3.4 Mmakotulo ha a kena bateng, a hla a todisisa.  
Todisisa – ke katoloso ya leetsi tola mme katoloso eo e bitswa leetsisisi.  
 Fetofetola leetsi lena tola ho bontsha katoloso e latelang:
- 3.4.1 Leetsaki (1)
- 3.4.2 Leetsetsi (1)
- 3.4.3 Leetsisi (1)
- 3.5 Fana ka mahlalosonngwe a mantswe a sehelletsweng mola ka tlase dipolelong tse latelang:
- 3.5.1 Mahlo a hae a ne dula a tletse menyepetsi. (1)
- 3.5.2 Dintshi ke tse ntsho tse tsotelang (1)
- 3.6 Latola dipolelo tse latelang. Ela hloko: Se fane ka malatodi a mantswe a sebedisitsweng, latola polelo:
- 3.6.1 Mahlo a Mmakotulo e ne e le a maholo a matle. (1)
- 3.6.2 Ka mosebetsi Mmakotulo ke mosuwetsana. (1)
- 3.7 Fana ka dihlopha tsa mabitso a sehelletsweng mola ka tlase dipolelong tse latelang:
- 3.7.1 Mpho o tla fihla hosane. (1)
- 3.7.2 O filwe mpho e ntle moketeng. (1)
- 3.7.3 Botle ba Mmakotulo bo a makatsa. (1)
- 3.7.4 Dikgomo tse fulang mothating ke tse nyetseng Mmakotulo. (1)
- 3.8 Hora, jwalo ka ha e sebedisitswe polelong ena: A qeta hora le sekoto a shebane le Seipone, e ka ba le meelelo e mengata. Mohlala: ha ba qeta ho ja ba hora sejana ka matsoho.  
 Jwale, sebedisa maetsi a latelang dipolelong tse pedi tse fapaneng ho totobatsa meelelo e sa tshwaneng.  
Ela hloko: Se hlalose hore leetsi le bolelang, moelelo o tla hlaka tshebedisong ya leetsi leo.
- 3.8.1 Ho balla (1 + 2) (2)
- 3.8.2 Hlaha (1 + 2) (2)
- 3.8.3 Polelong ena: “ Mmakotulo ha a kena bateng a tola, a hla a todisisa”  
Hla ke lethusi, Ipopele dipolelo moo o sebedisitseng mathusi a latelang: ELA HLOKO: Se a sebedise e le maetsi.

- |       |       |         |     |
|-------|-------|---------|-----|
| 3.9.1 | Tswa  | (2 x 1) | (2) |
| 3.9.2 | Tloha | (2 x 1) | (2) |

**MATSHWAO OHLE A KAROLO YA C: 30**

**MATSHWAO OHLE A PAMPIRI ENA: 70**